

2 Timoti Timotirina Poli Pikariyikwia Ayawidaasi Yidavakesi.

¹ Timoti,

Poliniyĩ pikarya da' yida'manigeinyĩ. Gotiyai gannya simunyavi Kiraazitiyai Jizaazare Nyidaasadeinyĩ yima'nya'neinyĩna yawiraka nyidahilakakeinyĩ. Nabaai Gotiyai yune naanga nebulya'na widake'na a'mwera Kiraazitiyai Jizaazari wilamwaaibiza' yune gaalyabwi wijaaya'nei Apozeliyai nyidahilakakeinyĩ.

² Yi sareinyĩ Timotiginyĩ giminyĩna nyivu'nadeigi nimire kaimiraayaiginyĩ githawasawaabeiginyĩ. Gotiyai Nenimaangelyĩ Kiraazitiyai Jizaazai nemire Naangelyĩ yanga gaimwange'na gika! Kale'na gaimwange'na gika! Kwaamu'nanyabwi tewaanya gwakika!

“Su! Su!” widaka yagaala tewaanyavina simunyavi yivaimwagake'nesi.

³ Gimi Kiraazitiyai Jizaazari nayaa nebulya'na limwaga'dinyavina nimi Gotiyari “Su! Su!” widadinyainyĩ. Sahwari nimire Ne sinnawinyara yilaaya yamaryaatabaabi' nimi kwainyĩ yilaaya yamaryadinyainyĩ. Nimire simunyai padaih+rakyari yibwakimanige. Nimi Gotiyarina yivanige dazabwi nebwina yida'maraangebwi midaaka! Nabaai nimire Naangeri yidaangadinyagaa' sawisaviji yirikegaasi yuyagaa' giminyĩna yawi'di

Gotiyari “Su!” widadinyainyi. ⁴ Nimi giminyi yagalya'mavegaa' gimire tinnyarì kídalaalyai gwalaabake'na yawi'dinyavina “Nimi yilaaya yune nebwinà yima!” dadì giminyi tìna wanganya'na tewaanya nyivu'nadeinyi. ⁵ Nimi ayina gyawì'manige. Gimire diraginna limwagasa' nebwinà limwaga'dinyi. Diraginna limwagata sasare sabwi aayagaa' gimire Ne jakaanga Loyziyavi gimire gwaanga Yunziya' kiriviji warakabaab+sasi. Nabaai nìmi nebwinà yawi'manige. Diraginna limwagata dazabwi gimì kwaiginyi gwarìkesi.

⁶ Sare'na nìmi “Gimire simunya' dhaa'bwari!” dadì yivanige. Yi Gotiyare yanga daza' sihumale' gwarìke'na jawi'de'nanyi. Kigaa' nìmi gimire minyaginyavi asiraai kilagwake Gotiyari yanga daza' maaraginyaiginyi. Dahaa' gimì a'mwei dike' pwa'nyi ya'daa'nyi naanga yidamakidevaabi' Gotiyare wawinya ya'neigi ginnya yanga daza' naanga girya'ne' yawiradikaa'na ja!

⁷ Sare' darevinyi. Gotiyai gamire Kurya Tewaanyari yanga nejaavakelyi. Kurya sai neminyi lika ya'neinaavi nemwaaihadei mi'. Aawa. Sai diraginya mwaalya'neinaavi, nevu'nya'neinaavi, simunya nayaa pada'galayawi'daa maremwaainya'neinaavi nemwaaihadelyi.

⁸ Sarevìdaa'nyi nemire Naangerina jalikurakya'na gimì wagi'la magivwa'nannera! Nabaai nìminyìnaji sahwarina kalavuzangevi nyirakesainyina wagi'la magivwa'nannera! Aawa. Gimì Gotiyare diraginya' maara'giziya'na

yagaala tewaanya' wigaimwagya'neigi
 nīmiji taanga dīnye'mwannamaaka!
 9 Gotiyai sai mena nevadaihasamaarakei
 nemī tewaanyaina yīma'nya'neinaavi jaka
 mena nejīvwaramaarakelyi. Yi nemī
 tewaanya yagongi na myawiryada jaka sara
 nejīvwaramaarakenna mī!. Aawa. Yune gamire
 yawisavīdaa'nyi neminyi yanga gaimwange'na
 neyada neminyi jaka sara nejīvwaramaarakelyi.
 Sīnnawī kīgaakuna, Gotiyai Kwaakeva'
 mwakyaakegaa' Kīraazitiyai Jīzaazarīna yanga
 gaimwanga daza' neminyi na nejaaya'neinaavi
 nedahīlakyaakelyi. 10 Dazagaa' dahīlakake' kīri'
 dathahaasagaa' nemire nevadaihasamaa'dei
 Kīraazitiyai Jīzaazai walaabakevi yanga
 daza' ku'maayaba mena yīma'nīwaabi!. Yi
 sarevīna pīri' daresti. Kīraazitiyai Jīzaazai
 balya'ne dīraginya' wawīla'nīkelyi. Yi pīri'
 daresti. Yagaala tewaanyavi gaalyabwi
 kayaaka minyi ya'ne' marima'naabakelyi.
 Yi Kīraazitiyai Jīzaazai sara yoimavakesi.
 11 Yagaala tewaanya dazavīne wawīnyavi nīmī
 wījīwakamarya'neinyi mwaaidi Apozeliyainyi
 wījīwīryainyi nyīdaasa'neinyi nyakakeinyi.
 12 Sare'na nabaai taanginya daza' a'mwera
 nyījaavadivīsainyi. Kīri' nīmī dazavīna wagīla
 nyīvwā'nadeinyi mī!. Sare' darevīnyī. Nīmī
 dīragīnna līmwaga'dīnya dazarīna mena
 yawī'dīnyainyi. Nabaai yagaala tewaanya
 nīmīre asīri' nyakaka dazavi sai dame yīnīga
 wī'na daavannei midaaka! Yi nebwinā sara
 yawī'dīnyainyi. Yi nabaai daza' yuyagaa' nayaa
 warībainada yune Yīrīka naanga yīma'naabathe

sagaa'na. Warɪbainadesi.

¹³ Timoti, yagaala tewaanya maamɪdarya' nɪmɪre maangikɪ kadɪka nyu'nagɪnya yɪ sa a'mweraavɪ avaaina wɪjɪwaakya'ne kuna dɪlimwagaka! Yɪ gɪmɪ Kɪraazɪtɪyɪ Jizaazarɪ nayaa dɪragɪnna limwadi Gotɪyarɪnɪjɪ a'mweraavɪnɪjɪ gɪvu'nada nabaai sasare sabwi yagaala sangɪ dɪragɪnna dɪlimwagaka! ¹⁴ Gotɪyɪ yagaala daza' gɪmɪre asɪrɪ gwakake' dameigɪ nayaa dɪthaaka! Nabaai Kurya Tewaanyai nemɪnyɪ wɪlanemwaalikei wawɪnya dazavɪna yɪnɪga wi'na gɪhaimwagathelyɪ.

¹⁵ Dare' mena yawɪ'manigɪ. A'mwe limwadɪvɪta yuya Pɪrovijɪ Ezɪya mwaalyara sahwarajɪya Pɪzelaazalyɪ Emozenɪzalyɪ saraai kwaraalyɪ kalavuzainyɪna mena nyagalya'mavesainyɪ. ¹⁶ Kɪrɪ' pɪgasa Wonezɪporaazai nɪmɪre kuryarɪ nyɪvaimwadelyɪ. Nabaai sai nɪmɪre kalavuzangevɪ mwaaidɪnya sa'na wagɪla wɪvwa'nadei mɪ'. Yɪ sare'na Naangei Wonezɪporaazarɪjɪ gamɪre angevɪyaraavɪjɪ kale'na gaimwanga wiana! A'mwe sawai nɪmɪnyɪna wagɪla wɪvwa'nadei mɪ'. ¹⁷ Aawa. Sai Anga Romɪ davanna bi'ma'na yaka bɪramaasa'na yagɪyagɪ bɪ'da dɪvidaa'nyɪna nyɪbɪramaarakelyɪ. ¹⁸ Yɪrɪka naangegaa'na sawai Naangerɪ kale'na gaimwange' bɪramaarana! Nabaai Anga Epazaazɪ sawai kwalaalyanna nyɪdaayada nyɪgaimwagake daza' gɪmɪ saigɪ nayaa mena yawɪ'manigɪnyarɪnera.

2

¹ Sarev+daa'nyi, n+im+ire kaim+raayaigi, gi+mi saig+nyi K+iraaz+tiyai Jizaazai yanga gaimwanga gyakev+ Gotiyai d+rag+nya givaimwagatheig+nyi. D+rag+nya sa' d+maaka! ² Nabaai yagaala gi+mi kadika wi'nad+nya sa a'mwe jal+kurakya'ne kwalaalyaraayaba n+im+ wi+j+wakadaari yi daza a'mwe pwara nayaa maremwaajib+'deraavi nayaa jaw+raw+jaama! Yi sahwara d+rag+na limwaga'd+iv+sara d+vi a'mwe pwaraav+ji nayaa wi+j+w+rip+nerera.

³ K+iraaz+tiyai Jizaazare aaw+ilata tewaanyaigi kwaamu' mwaala'giz+ taanginya nemi aaw+ilata pwainaavi ma'daanyabaaibi' waw+nya yija dazav+na taanginya d+nye'mwannamaaka! ⁴ Sare' daresi. Aaw+ilata aane pwai kwai waw+nya dala nabinabinya pi+n+ji limwagathei m+'. Sai "Aaw+ilasaraavi maremwaalyari n+im+nyi ny+dah+lakakeri n+im+ire waw+nya yi+w+ijanna tewaanya wigal+ma!" dozi yune aaw+ilasaraav+ire tewaanya sabwina limwagaradelyi. ⁵ Nabaai ke'ba'nanya pi+ri' daresi. A'mwei gavamaras+ny+ya yada dazabwina ki+w+nya d+ni+ke' mam+d+ny+ yaja' yi sai gam+daas+ waw+ilavajare' mamaari yadelyi. Aawa. Ki+w+nya d+ni+ke' nayaa mi+d+inajai yi sai maaradelyi. ⁶ Nabaai ke'ba'nanya aaya' daresi. A'mwei waw+nya yagi+yagi yada wia bur+d+ehaa' maremwaalajai waw+nya yaja sangi aayagaa' gam+daas+ t+ka munne yabwaryagaa' s+nnaw+ maarana! ⁷ N+im+ yagaala di+we dazav+na gi+mi simunya' nayaa jaw+ka! Sare' darev+nyi. Naangei gi+mi+re yaw+isavi giw+ryadely+ra. Sarev+

nabaai gimi yagaala yuyangiya aaya kaavilya' jawirangadeiginyira.

⁸ Jizaazai Kiraazitiyarina simunya nayaa jawika! Sai balakeri yidikaavakerina, sare sai Kingiya Devitimire yisavaakidaasarina nimi yagaala tewaanya' dadinyarineri. Nayaa yawi'di diraginna kuna dithaaka! ⁹ Nimi yagaala tewaanya daza' wijiwaake'na yune dazahirivina a'mwera kayaa'nanyabwi yaderina taanginya wijaavadivitabaai' taanginya dala pininna pininnanya nyijaavadivisare. Yo, kalavuzi kiriviji wila nyirakesare. Kiri' Gotiyare yagaalya' kalavuzi yinarade' mika! Sa' yuneba kaanya kuna yamaryadesi. ¹⁰ Sarevidaa'nyi nimire simunyabwi diraginya yivaimwannadi taanginya yuya daza maa'manigeinyi. "Gotiyai yune gaminne dahilakinikeraavina gaimwagima!" dadi yivanige. Nimi yawi'di "Kiraazitiyai Jizaazai yuna wivadaihasamaata sa' gannya gaalyabwi sahwaru kwaraji maapika! Sara yipijara yuyagaa' yuyagaa'ne byaanna diraginyavi nawi'nyavi mwaaibika!" yawi'di diraginna daa'manige. ¹¹ Nabaai diraginna dithaaka! Sare' darevinyi. Yagaala datha' diraginna nebwinu limwaga'daanya'nanyi. Yi dara dini'

"Nemi gamiji ye'mwannabaloina mwalaaja' Nabaai sawalyi gaala ye'mwannamwalaadeinera.

¹² Taanginya yuya sabwi maarya'na

Nemi diraginna mwaihoia mwalaaja'

Nabaai sawalyi kingiya ye'mwannemwalaadeinera.

Kiri' 'Gamireina mi', daatheina mwalaaja'

Nabaai neminyina 'Nimirera mi', dathelyira.

13 Gaminyi diraginna kuna malimwagaryaaja!
Sahwai gannya yagaalya limwaga'dei
mwaaladelyi.
Darevinyi. Gami sarine ayina yawiradannei
mi'."

*Gotiyare wawinya yaderina Gotiyai
"Tewaanyalyira," dake'nesi.*

14 Yuyagaa! gimire a'mweraavire
simunyangina yagaala dazangi
yidikavimwaaihya ja! Gotiyare tinnyari
yagaala dala pininna pininnanyanna mala
jihurayinya nyipidi'de'na yagaala diraginna
dizalikurakideiginyi. Sasare sabwi a'mwe
aane pwai kwar+ yiniga wi'na gaimwagathe'
mi'. A'mwera yagaala sasarengi kadika
w+nipijaraavi simunyangi yuna kayaaka
yigalakina yadesi. 15 "Wawinya widaayadinya
nebulyainyi Gotiyarina wijaavinima!" yawi'di
diraginna nayaa ja! Sara kya'gizi Gotiyai gimire
wawinya yijaiginyina tewaanya w+vu'nadelyi.
Sarevi yagaala nebulya'na nayaa yida'nanya'na
duziwaakya! Sarevidaa'nyi "Gotiyaryaba wagila
mamaari yivanigeinyira. Sabwina yilaaya
nyadelyira," jawi'deiginyi.

16 Yagaala waramarina yanne dala
pininnanyaji madinna! Gotiyarebwi maayanna
madinna! Sare' darevinyi. Yagaala sasare
sa Gotiyari bule'na wijaaya'ne tuta sariki
a'mwera sara dadivisaraavi kuna makwodengi.
17 Sarevi nabaai kumire yagaalya wa'waaya
bwia bu'de tika da'de kilakeji! kayaaka yigaide
sabisangi. Sara yada naanga yima'nadengi.

Sara kayaa'na dadivita yita savaakidaasaraai yi Aaimenaayazalyi Paailitazalyi saraalyira. ¹⁸ Sahwaraai sikwa yirawakiwaai. Yagaala nebulyavi yiwetawakya yiwaalyaraalyi. Saraai kwaasi dara dadisaraalyi “Gotiyai bainikeinaavi kuryaraavi mena neyidikaamwakesi. Divi kilaaka mudikejisi madikaayi yaadeinera.” Yagaala sasare dazavi a'mwe pwaraavire yawita Kiraazitiyarinevi kayaaka yigaimanigilyaraalyi. ¹⁹ Sare' kir'i! Gotiyai simya diraginya naangeri mena widaakwakabaabi! gamire a'mweraavi wivaimwadelyi. Sara widaakwakei diraginna daavi!. Simya dazari yavikwajike'bi! pikarya' dara dinikesi. Naangei gannya yune a'mweraavi nayaa yawirangamanikelyi. Nabaai pikarya piri! daresi. A'mwe yuya gazarazara “Naangerineinyi,” dadivisara kayaa'nanyabwi yida'maraanga mya sabwina bule'na wijaavipika!

²⁰ Anga naangevi maa'gula pini goliyaji silivaayaji wana nawinya yavikarinike kininnake gave daaka! Aawa. Pini yisangi yavikaryadivisaji pini kwaakengi yavikaryadivisaji warikengi. Yi pini wawinya nawinya ya'ne, pini wawinya waryaanya dala nabinabinya ya'ne. ²¹ Sarevidaa'nyi a'mwe pwai gami sari sasare kayaa'nanya sabwi duimwagasi'ninoji nawinya giri'maayai mwaalajai wawinya nawinya ya'nei mwaaladelyi. Nabaai sai gamire Naangeri yiniga wi'na gaimwagannelyi. Yuya wawinya tewaanya sanna yavutavemwaala yannelyi. ²² Sare'na gim'i yuya kayaa'nanya yawita

sabwi miḡinyaraavire simunyangi yima'nade diraginnya sabwina likaanya jenadakwona! Sara yadi yida'maraangebulyi diraginna limwangebulyi pwaraavina gi'vu'nyabulyi kwaamu'nanyabulyi dim'jamakwona! A'mwera simunya yida'maraangebwi kininnakera Naangeri jaka widadivisaraji sabwi dim'jamakwona!

23 Yaasiwaka yagaala dala pininna pininnanya a'mwe navi'navika simunya muwarikeraji gavamarasi'nyiyagaalyangina “Aala!” dithana! Gimena mena yawi'manigi. Sasare yagaala sa' malyabwi marima'naabadesi. 24 Kiriri' Naangere yaasiwa'wawinyai mala tamamarya'nei mi'. Aawa. Sai a'mwe yuyaraavi bwiwanna mwaalana! Sai wijiwaakya'nei nawinyai mwaalana! Sinna tika daya sabwi myada a'mwera gaminyi kayaa'na wigaidaapi baihana'na wiana! 25 Yi sai kwaamu'nanyabwi nayaa yada a'mwe yagaala galazekivaidivisaraavire simunyangi yavada'galana! Sai sasara yaja! Gotiyai sawaraavi simunya mudikebwi yawiramaasabwi wijaavadera dingaka? Yi sara yapiji yagaala nebulya' nayaa yawirangabi'derera. 26 Sinnawi Kayaa'nanyare naanyavi gamire yagaalya' m'dinya'neraavi wila yirakakere. Nabaai gimena kave wijiwaakya'ne sawara yagaala nebulya' yawirangabiza' naanyavi yagalya'mapi'devaabi' kumire simunyai ayina nayaa yawipi'dere.

3

*Yirika aaya'negaa' kayaa'nanya
kwalaalyabura yima'naabathe'nesi.*

¹ Kiri' gimì nayaa dara jawika! Yirika aaya'nerikaavi taanginya kwalaalya kayaa'nanya yima'nadengi. ² Sare' darevinyi. Sagaa' a'mwera yune kumì saraavina wivu'nadere. Nigwianna tewaanya wivu'nadere. Yune kuminyine yayanna makidivisare. Pihadika yadivisara yaasiwa' yamarina, Gotiyarinaji biraiyagaala widina. Kuvinimaangeyuraavire yagaalya galazekivaina. “Su! Su!” mujadivisara. Yuya tewaanya naw'inyabwi maayara. ³ Kumire avaitaweraavina nayaa muvu'nyadera. Mayagaala javwi makwasakipi'dera mi'. Pwaraavi kwaasi diraginna jida'divitara. Kwaamu'nanyabwi maayara simunyabwi nayaa mamaremwaainyadivitara. A'mweraavi yaasiwa' kayaaka yigalamarina. Tewaanya yuya saburina similika wimwaaidera. ⁴ Kumire kwiyamwera yikamaangeraavire asiri marimwangina. Kumire simunya yuya kayaa'nanya sabwi yime'nya'bi' midinna. Pihadikebwi yadivi' “Nemi a'mwe naangeine,” yawi'na. Gotiyarina “Aala! dadivi' muvu'nyaderera. Aawa. Wabahlaakeburina wivu'nadera. ⁵ Gotiyari kwaasi yune kilaakejikina mididivi' kiri' Gotiyare saburiya diraginnya sabwina bule'na wijaavadivi'. A'mwe sasare saraavi yagalya'ma'na ja! ⁶ Sare' darevinyi. A'mwe

sasare saraav+daa'nya pwara “A'mwe sangi
 kwaasi kave wabwiwayagaala widaana!”
 dadivi' simunya nawi'nya myawiryadivita
 sangire angengi kave widivi' kumire simunya
 wila galyirakidivisangi. A'mwe sasare
 kayaa'nanya yingakinike kininnake kumire
 simunyavi taanginya wa'demilike. Kayaa'nanya
 dala pininnanyanna mwagi'namarya'na
 kumire simunya' dikaa'demilike. ⁷ A'mwe
 daza yuyagaa' yagaalya maa'divita kini kiri'
 yagaala nebulya' yaw+rangadivita mika.
 Yi sahiningire angengi bwidivi' kayaa'na
 wijiwaakadivisare. ⁸ Kigaa' Jaanizalyi
 Jaabirizalyi saraai Ne Mozizarina yikamaanga
 yima'nagila yelyabaab' a'mwe dazara kwaasi
 divanigasara yagaala nebulyavi yikamaange'
 yivaniga'. Kumire simunyabwi Saataani
 simunya kayaa'nanyari mena wakakera
 kayaa'na yaw'divisara. Sarevi sahwaravina
 Kiraazitiyar+ limwangebwi kwaasyabwi
 yima'nakesi. Gotiyai sahwaravina yaamiji
 yidakwasanganaka gamire bule'na wijaavina.
 “Aala!” dina. ⁹ Kiri' kumire dazabwi naanga
 yima'nadevwi mi'. Sare' darevinyi. Sinnawi
 kigaa' a'mwera Jaanizalyi Jaabirizalyi saraare
 navi'navikebwi tinna wanganyaatabaab'
 a'mwe yuyara kumire navi'navika sabwi tinna
 nayaa wangabi'dere.

Gotiyare yagaalya' nayaa
pada'galalimwangebwinisi.

¹⁰ Kiri' gimi saigi nimiji
 nye'mwannayamaryadi gimi nimirebwi

mena yawirangadinyaiginyi. Yi nimire wijiwiryabulyi, nimire mwaalyabulyi, nimire yuya saburi aaya kaavilyaji, Gotiyari diraginna limwagasabulyi, kwaamu'nanyabulyi, a'mweraavina wivu'nyabulyi, taanginya maa'di diraginna mwaalyabulyi. Yuya sa nyawirangadinyaiginyi. ¹¹ Kayaa'nanya yuya sa a'mwera nyadaapi nabaai yuya daanga sa maa'dinyainyi Anga Aadiyokiji Anga Aaikonyamiji Anga Lizitiraaji mena nyawiranganaginyaiginyi. Yi kayaa'nanyaji daangeji sa nyijavadaapi diraginna daa'di maa'dinyainyi. Nabaai sara kayaa'na nyadaapi Naangei taanginya yuya dazangi nyivadaihasamaakeinyi. ¹² Yo, a'mwe yuyara Kirazitiyai Jizaazari wilamwaaidivisa'na "Gotiyarebwi midinaana!" dapi yipijaraavi yikamaangera kayaa'na wigaibi'dere. ¹³ A'mwe kayaa'nanyaraji kwaasiyaraji kumirebwi kayaa'nanya naanga yima'nadesi. A'mweraavi kwaasiyabwina kwaasi wijiwaakipi'dere. Nabaai sahwaravavi kumi kwaraavi Saataani Kayaa'nanyai kwaasiyabwina wijiwaakadelyi. ¹⁴ Kiriri' gimisi saigi maaraginya yagaala dazasi mena limwagahinya dazasi nayaa kuna dilimwagaka! Nemi a'mwe yagaala dazavina giziwakadaanyainaavina nemire tewaanyabulyiyainaavina nayaa nyawirangadinya'na diraginna kuna dilimwagaka! ¹⁵ Nabaai datha' kirisi yawirangadinyaiginyi. Sinnawisi gimisi kaimiraaya maalikeigi kuna mwaalagina Bukuya Tewaanyavisi munya gaai yawiramaaraginyaiginyi. Bukuya dazi

simunya tewaanya' yiniga wi'na gizaavannilyi. Sara kagyozi Gotiyai givadaihasamaarya'neigi Kiraazitiyai Jizaazari limwadinneiginyi. ¹⁶ Gotiyare Kuryai Bukuyaviya yagaala yuya marima'naabakelyi. Nabaai yagaala daza' neminyi simunya wijaaya'ne tewaanaangesi. Sara yada nemire kayaa'nanya yadaanya sabwina neyibwaridaakwada maanga nedade'nanyi. Nabaai nemire mwaalyaburi neyavada'gaide'nanyi. Sara neyada yida'maraangebwina neyiwiryade'nanyi. ¹⁷ Sarevidaa'nyi a'mwe Gotiyareri wimwaaihada diraginya yunebanna yiniga wi'nanyari. Sare'na wawinya yuya tewaanya sa ya'na yemwaala yivanikelyira.

4

*Gotiyare yagaalya nebwina
wijiwaakyabwines.*

¹ Kiraazitiyai Jizaazai a'mwe yuyaraavi, gaala mwaaihasaraaviji bainikeraaviji maryawibwaradelyi. Yi sahwalyi Gotiyalyi saraaryaba yagaala diraginna dara gizalikurakivanige. Kiraazitiyai Jizaazai a'mwe yuyaraavire tinnyari yima'naabozu Kingiya yuyagaa' yuyagaa' maremwaaladelyi. ² Sarevidaa'nyi gimidi dazahiri'na yawidi gamire yagaalya' duziwaakya! A'mwera yagaalya' kadika wi'nya'na yilaaya yipijahaasi yilaaya mipijahaasi yuyagaa' yawiralimwagarya'neigi diraginna ja! Kumire yiwetawakya'na maanga duthana! Kumire simunyarididhaa'bwata ja!

Gotiyarebwi midibi'de'na kumire simunyavi
 yivaimwagawimwaaihina ja! Sare'na ya'ne
 yuyagaa' gimĩ kwaamu'na yadi sahwaravi
 nayaa jiwirideiginyi. ³ Sare' darevinyi.
 Divi sagaa' a'mwera yagaala maamidarya
 mamaari yipi'dere. Aawa. Yune kumire
 yawita kayaa'nanya saburina mididivi'
 kumire wijiwirya ya'ne kwalaalyaravi
 maramadakipi'dere. Sarevi wijywaakya
 kumire kadikikaavi sika mwagi'nadivi'
 yagaala pini kuminyi tewaanya wivu'najanna
 maapi'dere. ⁴ Yi sare' piri' darsi. Yagaala
 nebulya' kadika wi'nya'nevina ginyira'na
 yipi'desi. Piri' darsi. Yagaala yaasiwaka
 genna wajingyagaala dala pininna kadiki'
 wakamaremwaai'ndere. ⁵ Kiri' gimĩ
 saigi yuyagaa' yuyangi simunya nayaa
 pada'gaina jawika! Naangerina taanginya
 dimaaka! A'mweraavi yagaala tewaanya'
 wijywaakya'ne wawinya nayaa ja! A'mweraavi
 widaaya'na, gaimwange'na wawinya'
 kininnake'neiginyi. Wawinya daza' gimĩ nayaa
 yunebanna pada'gala ya ja! ⁶ Sare' darevinyi.
 A'mwera kwaraanyaba Gotiyarine waainiya
 dingadivitabaai' tamakya'neinyi nĩmire
 tawe' mena dima'nade'nanyi. Nĩmiregaa'
 mena kibawa yiwawode'na yiwakegaaki.
⁷ Mala nawi'nyavi Naangerina gidaa'mweinyi.
 Naangerine wawinya'na gavamarasi'nyikaanya
 kaanyave'na mena nayaa wweinyi. Dahaa'
 aayawinyavina mena yimaveneinyi. Diraginna
 limwagasabwi mena diraginna limwamweinyi.
⁸ Nabaai dahaa' a'mwe gavamarasi'nyikaanya'

wavila'divisaraavine tivikisa' yemwaala nyi' niminiyina. Tivikita daza' dare'na. Yirika Naanga dazariki Naangei niminiy "Yida'maraangebwi yadinyaignyira," nyidathesi. Naangei sahwai yawibwata'ne yida'maraangelyi. Yi naangegaa' tivikita daza' nyijaavadelyi. Nabaai kiri' niminiyina gaveinyina nyijaavadeinyi mi'. Aawa. A'mwe gaminyi ku'maayabanna kima'naaboz' t'inna wanganya'na mena wivu'naderaavi yuya sahwarav' wijaavadelyi.

Polimyawinna Timoti wiyanesi.

⁹ Gimi yime'nyab' ya'gizi maalikegaa' niniyawinna yarai divadeiginyi. ¹⁰ Sare' darevinyi. Dimaazai dahaasa sabwina tewaanya wivu'nade', niniy' mena nyagalya'mavaka Anga Tezalonaaikana wiwaker'na. Nabaai Kirezani Pirovij' Galezyana w'wa'. Taaitazai Pirovij' Dalimezyana w'wa'. ¹¹ Lukiyai gave sahwainanyai niniy' nye'mwannamwaali'. Gimi Maakiyari maara'gizi dimakadelyira. Sare' dare'nesi. Sai niniy' wawinyavi gaimwange'na tewaanya nyadelyi. Sare'na dimakadelyi. ¹² Nabaai Tikikaazari Anga Epazaaz'na mena maryaasiwa. Sarena yarai divadeiginyi. ¹³ Gimi "Wima!" da'giziyagaa' niniy' yivita yiriyagaa'ne saaminy' daza' dinyimaa'deiginyi. Yivita sa' anga Tirawaazi A'mwe Kaapazare angev' wakesi. Nabaai bukuya k'niy' maara'gizi nabaai navika nyiwidi'de'na sipizipiyangire kilaakengi yavikarinikeji dinyimaa'deiginyi.

14 Alekizaadai, kwaari'mata biraaziya yavikaryadei, sai niminyi wana kayaa'na nyigalakelyi. Sara nyake sari divi yiniga gami yake sabwina Naangei kayaa'nanya wirivikiradelyi. 15 Nabaai gim'i kwaigi a'mwe dazarina nayaa mala jiwannadeiginyi. Sare' darevinyi. Dazahwai nemire yagaalya marulawakya neyibainadelyi.

Yagaala pininnesi.

16 Aaya mudi'nanyagaa' kotiyavi yagaalya widadaari nimiji nyigaidaavaka nyigaimwagakei a'mwe pwai kwai mi'. Aawa. A'mwe yuyara yagalya'makuna nyesare. Sare'na nabaai nimi Gotiyari yidaangadinyainyi "Kumire kayaa'nanya yivanigata sanna myawi'dinnera!" 17 Sare' kiri' Naangei niminyi yuyagaa' nyangada gamire diraginya' nyijaavakelyi. Sarevi "Nimi yagaala tewaanya' yiniga wi'nanya' wijiwaakima! Sara wijiwakadaa'muri ajimya yuyangiyara yagaala sa' kadika wi'nipika!" dena sara wide. Nabaai Gotiyai kavijilikere (laayonyare) maangevi nyurakasamaarakelyi. 18 Yuya kayaa'nanya sabura niminyina "Kayaaka yaana!" dadi'vi' nyadaapi Naangei nayaa nyurakasamaarakelyi. Sare'na nabaai gamire maremwaaide naangevi Sigunyavina nyimakwia'neinyi nyivadaihasamaarakelyi. Sahwarina "Byaannakelyi," dadaa gaminne yaya' yuyagaa' yuyagaa' nemi munya ke'ba makilaana! Naanga nebulyasi.

Pikariyikwiaviya aaya yagaalya'nesi.

19 Nĩmĩnyĩna Pĩrĩzĩlavĩjĩ Aakwilaamĩjĩ
 Wonezĩporaazare angevĩyaraavĩjĩ duthana!
 “Polĩ yĩhĩthĩvani! ‘Nya!mweihi!’ ” 20 Anga
 Koridĩ Erazĩtaazai kuna mwaalĩ!. Nabaai
 Tĩropimaazai nalaavĩnakei mwaalakevĩ
 anga Maalitaazĩ saba kuna mwaalya!nerĩ
 wĩmwaaihena yagalya!mave. 21 Gĩmĩ
 yĩme!nya!bĩ! ya!gĩzĩ dĩvadeigĩnyĩ. Yĩhuta
 kayaa!nanya pĩgaa!na nyemwaaidĩka!
 Yuvyulaazalyĩ Pyuthenĩzalyĩ Laainazalyĩ
 Kĩlothĩyaasi neya!mwe yuya pwarajĩ gĩmĩnyĩna
 “Neya!mweigi!” gyasiwaabaa!. 22 Naangei
 gĩmĩre kuryalyĩ gye!mwannemwaalana! Gamĩre
 yanga gaimwange! sarĩmĩjĩ yĩhye!mwannarana!
Polĩ

**Yipma Genesis and New Testament
Genesis and The New Testament in the Yipma/Baruya
language
Buk Stat na Nupela Testamen long tokples Yipma long
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 3 Mar 2023 from source files dated 9 Oct 2020

ef60f748-49e3-5ee0-8e6d-a25b74b7a93c